

UGOVOR O IZVOĐENJU RADOVA

Ovaj Ugovor je sklopljen dana 15.07.2022. godine u Mostaru između:

Agencije „Stari Grad“, M.Tita 170; 88 000 Mostar(u daljnjem tekstu “Naručitelj”) koju zastupa direktor Miralem Fajić, na jednoj strani

I

„GRADNJA“ d.o.o. Mostar ,Ul.Maršala Tita br.294, 88104 Mostar, JIB:4227100870001 (u daljnjem tekstu “Izvođač”) koju zastupa direktor, Šefik Voljevica, na drugoj strani.

Budući da je Naručitelj nakon sprovedenog postupka javne nabavka radova (brojčana oznaka JRJN: 44221200-7), Izrada i montaža ulaznih vrata na poslovnom prostoru Odreda izviđača „Neretva“ u Ul.Maršala Tita br.85 u Mostaru, prihvatio izvođačevu ponudu kao najpovoljniju za izvođenje i završetak ugovorenih radova po cijeni od 2.925,00 KM (dvijehiljadedevetstotinadvaestpet KM 00/100) sa PDV-om, (u daljnjem tekstu “ugovorna cijena”), strane su se dogovorile kako slijedi:

Član 1.

UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena (predračun radova) koje je podnio ponuđač
- (2) Projektne specifikacije i tehnički opis

Član 2.

PREDMET UGOVORA

Izrada i montaža ulaznih vrata na poslovnom prostoru Odreda izviđača „Neretva“ u Ul.Maršala Tita br.85 u Mostaru

Radi se o dvokrilnim ulaznim vratima s fiksnim lučnim dijelom, ostakljena panelom i dvoslojnim staklom u boji zlatni hrast, Profine 70 mm AD, dim.1510x2700 mm. Vrata su opremljena svim potrebnim okovima.

Izvođač je dužan:

- a.) izvesti sve radove u skladu s ugovornim dokumentima, parafiranim od obje strane; te ispuniti sve obveze, koje su navedene u odredbama ovog ugovora,
- b.) prihvatiti odgovornost za eventualnu nastalu štetu trećim licima, kao posljedicu implementacije ovog ugovora,
- c.) ne zapošljavati, u svrhu izvršenja ovog ugovora, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koje je angažovala komisija za nabavke, nadležna za dodjelu ugovora o javnoj nabavci,
- d.) za potrebe uređenja gradilišta izvođač radova je obavezan izraditi Plan organizacije gradilišta u skladu sa članom 6. Uredbe Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine Federacije BiH“ broj:48/09).

Član 3.

UGOVORNA CIJENA

3.1 Ugovorna cijena za izvršenje ugovornih radova prema članu 2. ovog ugovora iznosi:

neto vrijednost radova: 2.500,00 KM

slovima: (dvijehiljadepetstotina 00/100 KM)

i porez na dod. vrijed. – PDV: 425,00 KM

slovima: (četiristotinedvadesetpet 00/100 KM)

što ukupno iznosi 2.925,00 KM

slovima: (dvijehiljadedevetstotinadvadesetpet KM 00/100)

3.2. Cijena za izvođenje radova određena je po jedinice mjere tj. po jediničnim cijenama.

Jedinične cijene radova iz stavki troškovnika su fiksne i neće se mijenjati.

Član 4.

NAČIN PLAĆANJA

4.1. Plaćanja Izvođaču u okviru ovog ugovora izvršit će se po završetku radova putem trezora Grada Mostara, u roku ne dužem od 30. dana od dana podnošenja računa od strane Izvođača Naručitelju.

4.2. Naručitelj će platiti ugovornu cijenu ili druge iznose, koji dospijevaju za plaćanje na temelju odredbi ugovora u vrijeme i na način propisan ugovorom, putem trezora Grada Mostara na račun Izvođača broj: **1610200000090017 kod Reiffeisen bank.**

Član 5.

ROKOVI

5.1 Rok završetka radova

Izvođač se obvezuje da će ugovorene radove izvršiti u roku od 15 (petnaest) radnih dana od dana potpisivanja Ugovora.

5.2 Rok uspostavljanja gradilišta na raspolaganje Izvođaču.

Naručitelj će staviti izvođaču gradilište na raspolaganje **od dana potpisivanja Ugovora.**

Član 6.

UGOVORNA KAZNA

6.1 Ugovorna kazna za prekoračenje ugovornog roka završetka radova iznosi 0,05% od ugovorne cijene po danu zakašnjenja.

6.2 Maksimalni iznos ugovorne kazne za prekoračenje ugovornog roka, prema 6.1 gore, je 3% od ugovorne cijene.

Član 7.

UGOVORNO PRAVO

7.1 Mjerodavno pravo ugovora je pravo Bosne i Hercegovine i Federacije Bosne i Hercegovine.

Član 8.

JEZIK UGOVORA

8.1 Mjerodavni jezik ugovora je jedan od službenih BiH jezika

Član 9.

JAMSTVO ZA DOBRO IZVRŠENJE UGOVORA

9.1. Nije primjenjivo

Član 10.

JAMSTVENO RAZDOBLJE

10.1. Jamstveno razdoblje iznosi: 2 godine – za opremu i građevine.

Član 11.

ARBITRAŽA

11.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.

11.2 Mjesto arbitraže: Mostar

Član 12.

GRADILIŠNA DOKUMENTACIJA

12.1. Izvođač je obavezan uredno voditi gradilišnu dokumentaciju u skladu sa Uredbom Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“ br.48/09) i ostalim važećim propisima i ovim ugovorom iz koje će se vidjeti tok, način i obim izvršenih radova.

Član 13.

PREDSTAVNIK NARUČITELJA

13.1 Naručitelj imenuje gosp. **Šain Antu dipl.ing.građevine kao Voditelja projekta**, koji će djelovati u njegovo ime u svrhu ovog ugovora, obavljati kontrolu nad provođenjem ugovora i ostale poslove u okviru istog.

Član 14.

PREDSTAVNIK IZVOĐAČA

14.1 Izvođač imenuje **gđa. Medina Marić, dipl.ing.građevine kao svog ovlaštenog predstavnika**, koji će djelovati u njegovo ime u svrhe ovog ugovora.

Član 15.

OBAVIJESTI

15.1. Službene obavijesti će se upućivati na adresu navedenu u zaglavlju ugovora.

Član 16.

STUPANJE UGOVORA NA SNAGU

16.1 Ugovor stupa na snagu po ispunjenju svih niže navedenih uslova:

- ugovor su potpisale obje strane;

Član 17.

17.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećem zakonu sklopljen u Mostaru dana i godine naznačenih na početku ugovora.

U ime NARUČITELJA:

GRAD MOSTAR

AGENCIJA „STARI GRAD“

Direktor: Miroslav Fajic dipl. pravnik

Protokol: I-19-393-6/22

Datum: 15.07.2022.godine



U ime IZVOĐAČA:

„GRADNJA“ d.o.o. Mostar

Direktor: Šefik Voljevic

